

# Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 29 » հունվարի 2020թ.

N 44/22

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևան քաղաքի Էրեբունի վարչական շրջանի ղեկավարի աշխատակազմի աշխատակից Լ. Կճայանի կողմից 05.12.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 54-րդ հոդվածի 2-րդ մասով նախատեսված վարչական իրավախախտում, մասնավորապես՝ քաղաքացի Մարիամ Գևորգի Տոնիկյանի կողմից Մարի Թադի 5-րդ փողոցի 31 հասցեի հարևանությամբ ինքնակամ իրականացվել է ասֆալտբետոնե ծածկույթի քանդման աշխատանքներ, որի վերաբերյալ 05.12.2019 թվականին կազմվել է վարչական իրավախախտման վերաբերյալ թիվ 032678 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Մարիամ Գևորգի Տոնիկյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Մարիամ Գևորգի Տոնիկյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 05.12.2019 թվականին քաղաքացի Մարիամ Գևորգի Տոնիկյանի նկատմամբ կազմված հ. 032678 արձանագրության հիման վրա հարուցված վարչական վարույթը 22.01.2020 թվականի վարչական իրավախախտման գործի վերաբերյալ հ. Վ-3/34 որոշմամբ կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրմանը քաղաքացի Մարիամ Գևորգի Տոնիկյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Մարիամ Գևորգի Տոնիկյանին Երևանի քաղաքապետարանում 29.01.2020 թվականին կայանալիք նիստին ծանուցելու համար:

Քաղաքացի Արմեն Հարությունի Կարապետյանը 29.01.2020 թվականին ներկայացել է Երևանի քաղաքապետարան և մասնակցել վարչական իրավախախտման գործի փաստական հանգամանքների քննարկմանը, հետևաբար վերացել է վերը նշված վարչական վարույթի կասեցման հիմքերը:

Քաղաքացի Մարիամ Գևորգի Տոնիկյանը (անձնագիր AG0698088 տրված 09.06.2006 թվականին 009-ի կողմից) բացատրություն տվեց այն մասին, որ ունի թույլտվություն, սակայն առաջացած խնդիրների պատճառով ժամկետը լրացել էր:

Գործի քննության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 17.12.2019 թվականի հ. 19/122303, 30.01.2020 թվականի հ. 19/122303 գրությունները, Երևան քաղաքի Էրեբունի վարչական շրջանի ղեկավարի տեղակալի 17.01.2020 թվականի հ. 24/1-8/20/629 գրությունը, ներկայացված լուսանկարները և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի լրիվ և օբյեկտիվ հետազոտման արդյունքում հիմնավորվեց, որ քաղաքացի Մարիամ Գևորգի Տոնիկյանի կողմից Մարի Թադի 5-րդ փողոցի 31 հասցեի հարևանությամբ ինքնակամ իրականացվել է փողոցի ասֆալտբետոնե ծածկույթի քանդման աշխատանքներ, որով թույլ է տվել Օրենսգրքի 54-րդ հոդվածի 2-րդ մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 54-րդ հոդվածի 2-րդ մասի համաձայն՝ Հոդամասերի գործառնական նշանակությունը և հոդատեսքերի ինքնակամ փոփոխելը առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի հիսնապատիկի չափով:

«Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 54-րդ հոդվածի 2-րդ մասով, 219.1-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասով, Երևանի քաղաքապետի 23.08.2013 թվականի թիվ 4180-Ս (փոփոխ. 08.07.2015 թվականի թիվ 2104-Ս, 01.08.2017 թվականի թիվ 2645-Ս, 12.07.2018 թվականի թիվ 2516-Ս) որոշմամբ՝

**ՈՐՈՇԵՑԻ**

1. Քաղաքացի Մարիամ Գևորգի Տոնիկյանի նկատմամբ 22.01.2020 թվականի հ. Վ-3/34 որոշմամբ կասեցվեած վարչական վարույթը վերսկսել:

2. Քաղաքացի Մարիամ Գևորգի Տոնիկյանին Օրենսգրքի 54-րդ հոդվածի 2-րդ մասով ենթարկել վարչական պատասխանատվության՝ նշանակելով վարչական տույժ 50.000 (հիսուն հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանապետարանի N 900025311052 հաշվին:

4. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ

ԱՇԽԱՏԱԿԱԶՄԻ ՎԱՐՉԱԿԱՆ

ԻՐԱՎԱՆԱՏՈՒՄՆԵՐԻ ՎԵՐԱԲԵՐՅԱԼ

ԳՈՐԾԵՐԻ ՔՆՆՈՒԹՅԱՆ ԲԱԺԻ

ԳԼԽԱՎՈՐ ՄԱՍՆԱԳԵՏ՝



ՎԱՂԻՆԱԿ ԱՆԱՆՅԱՆ